

ՄԱՅԻՍԻ 9-Ը ՀԱՂՈՒՆԱԿԻ ՕՐՆ Է

ՇՆՈՐՀԱՎԱՆՈՒԹՅՈՒՆ, ԶԻՆՎՈՐ ԱՇՈՏ ՄԻԿՈՅԱՆ

Աշխարհը նշում է Մայիսի 9-ին Երկրորդ աշխարհամարտը սանձազերծած Ֆաշիստական Գերմանիայի դեմ տարած հաղթանակի 71-րդ տարելիցը: Համամարդկային այդ հաղթանակը Աշխարհը նվաճեց ավելի քան 60 միլիոն մարդկային կյանքի գնով, որից շուրջ 27 միլիոնը վիճակվեց խորհրդային Միության ժողովուրդներին:



1941-45 թվականների պատերազմին նվաճած հաղթանակի ավանդական տոնը նախկին խորհրդային երկրները կնշանավորեն շքերթներով, ռազմադաշտում ընկած հայտնի ու անհայտ զինվորի գերեզմանին պետական դրոշների խոնարհումով, եկեղեցիներում զոհված մարտիկների հիշատակը խնկարկող պատարագներով...

Մայիսի 9-ը յուրովի կնշի նաեւ 91-ամյա վետերան Աշոտ պապը...

Աշոտ Միկոյանը ծնվել է 1915 թվականին, Մառնեուլիի շրջանի Խոժոնի գյուղում: Խոժոնից նրա գերդաստանի օրրանն է, այստեղ են ծնվել ու ապրել Աշոտի նախնիները: 1941-ին Միկոյանների ընտանիքը ռազմադաշտ ուղարկեց Աշոտի չորս ավագ եղբայրներին: Չորսից ոչ մեկը տուն չվերադարձավ: Ընտանիքի կրտսեր զավակը՝ 29 տարեկան Աշոտը, խորհրդային բանակ զինվորագրվեց 1944-ին: Երկրորդ աշխարհամարտ անվանված սպանդին՝ նա մասնակցեց Վրաստանից ռազմադաշտ զորակոչված շուրջ 700 հազար վրացի, հայ, ադրբեջանցի, ռուս, արխագ, օս, հույն, քուրդ... զինվորների շարքում:

Աշոտը նախ ծառայեց Լենինականում (այժմ Գյումրի)՝ այստեղ ամրացված, թուրքական սահմանը պաշտպանող զինում, ապա՝ 89-րդ Հայկական հրաձգային, հետո նաեւ՝ Թամանյան կոչվող դիվիզիայում, որի շարքերում մասնակցել է 1944-45 թվականներին մոլոդ Սեւաստոպոլի եւ այլ քաղաքների ու վայրերի ազատագրման մարտերին: 1945-ի մարտերից մեկում հրետանավոր Աշոտ Միկոյանը ծանր վիրավորվում է, ապաքինվելուց հետո՝ տեղափոխվում Լենինական, որտեղ եւ դիմավորում է այնքա՛ն սպասված հաղթանակը: Աշոտը պատերազմից հետո՝ ստանում է երկրորդ կարգի հաշմանդամի կարգավիճակ:

1974թ., գյուղի հրապարակում Հայրենական պատերազմի զոհերին նվիրված հուշարձանի բացմանը, հուշարձանի ժապավենը կտրելու պատիվը արտոնվեց Աշոտ Միկոյանի մորը՝ հայրենիքի ազատագրման սուրբ պատերազմին չորս որդի կորցրած Թագազյուլ մայրիկին:

Այսօր Աշոտ Միկոյանի գերդաստանը Խոժոնիի բազմամյա ընտանիքներից մեկն է: Նա իր 6 զավակով մասնակցել ու մասնակցում է գյուղի բարգավաճման աշխատանքին: Աշոտ պապի ծերությունը զարդարում են նրա տասնչորս թոռներն ու տասնյոթ ծոռները: Նրանք ապրում են բարի կյանքի տեր մարդկանց վայել ձգտումներով՝ նախանձախնդիր իրենց մարդկային ու քաղաքացիական խղճին ու պարտականություններին:

Մայիսի 9-ին, մարտական ընկերների հիշատակի կենաց-քաղք բարձրացնելիս՝ նա կմրմնջա իր ավանդական օրհնությունը՝ «Ընկածների հոգիներին» հանգստություն, Աշխարհիս՝ խաղաղություն ու շենություն»:

Հարգարժան Աշոտ Միկոյան ու բոլոր վետերաններ, շնորհակալություն ձեզ: Խոնարհվում ենք ձեր համբերությանը, հոգու ամրությանը: Ձեր սխրանքը անմահ է: Առողջություն ձեզ ու անենայն բարին:

ՋՈՒԼԻԵՏԱ ԲԱՂԱՅԱՆ
Նկարում.- Աշոտ Միկոյանը ծոռան՝ Լյուդվիգի հետ:

ՍՈՑԻԱԼԿԱՆ

ԳՈՐԾԱՐԿՎԵԼ Է ՀԱՄԸՆԴՆԱՆՈՒՐ ԱՂԱՆՈՎԱԳՐՈՒԹՅԱՆ ԴԻՖԵՐԵՆՑԻԱԼ ՓԱԹԵԹԸ

Ընթացիկ տարվա մայիսի 1-ից, համընդհանուր առողջապահության ծրագրում, գործարկվել են դիֆերենցիալ փաթեթներ եւ ծրագրի բենեֆիցարներ: Ըստ դրանց, ում վարկանիշային միավորները չեն գերազանցում 100 հազարը, կստանան քրոնիկական հիվանդությունների դեղորայքի ֆինանսավորում:

Իրականացված փոփոխությունների համաձայն, սոցիալապես անպաշտպան ընտանիքների միասնական բազայում գրանցված քաղաքացիները, ում վարկանիշային միավորը 0-ից մինչեւ 100 հազար է, համընդհանուր առողջապահության ծրագրի շրջանակներում, կստանան քրոնիկական հիվանդությունների համար դեղորայքի ֆինանսավորում:

Ինչ վերաբերում է համընդհանուր առողջապահության ծրագրի խմբերին ու պայմաններին, ապա դա սահմանվել է հետեւյալ կերպ. միջին եկամուտ ունեցող քաղաքացիներին համար, ում ամսական եկամուտը հազար լարիից ավելի է, սակայն տարեկան եկամուտը չի գերազանցում 40 հազար լարիին, կկարողանան օգտվել համընդհանուր առողջապահության եւ մասնավոր ապահովագրության փաթեթի սահմանափակ սպասարկումներից:

այում ընդգրկված քաղաքացիները, անկախ մասնավոր ապահովագրության փաթեթի առկայությունից, ծրագրի շրջանակներում, ուռուցքային հիվանդությունների, մասնավորապես՝ քիմիաթերապիայի եւ հորմոնաթերապիայի, ինչպես նաեւ ծննդաբերության ժամանակ կեսարյան հատման դեպքերում օգտվում են համընդհանուր առողջապահության ծրագրով նախատեսված սպասարկումներից:

Ցածր եկամուտներով քաղաքացիների համար, ում ամսական եկամուտը չի գերազանցում հազար լարիին, ինչպես նաեւ ինքնազբաղվածությամբ ու անօրինական եկամուտներով անձանց համար, անկախ մասնավոր ապահովագրությունից, պահպանվում է համընդհանուր առողջապահության ծրագրից օգտվելու իրավունքը, բայց որոշակիորեն սահմանափակված փաթեթով: Սոցիալապես անպաշտպան քաղաքացիների 70 հազարից

մինչեւ 100 հազար վարկանիշային միավոր ունեցող անձանց եւ 6-ից մինչեւ 18 տարեկան անչափահասների համար, համընդհանուր առողջապահության ծրագրով նախատեսված մատուցվող սպասարկումների ողջ ծավալը մնում է անփոփոխ: Միաժամանակ, չի սահմանափակվում նրանց իրավունքը՝ մասնավոր ապահովագրական փաթեթից օգտվելու հարցում:

Բարձր եկամուտ ունեցող քաղաքացիների համար, ում տարեկան եկամուտը գերազանցում է 40 հազար լարիին, չեն կարող օգտվել համընդհանուր առողջապահության ծրագրից:

Համընդհանուր առողջապահության ծրագրի սպասարկումների ծավալը սահմանվում է՝ ելնելով անհատական եկամուտների համապատասխանությունից:

Ծրագրի շրջանակներում, բոլոր խմբերի համար ֆինանսավորվում են ծննդաբերության սպասարկումները, ինչպես նաեւ, բոլոր խմբերի համար, պահպանվում է՝ պետական առողջապահության մյուս ծրագրերից օգտվելու իրավունք:

ԱՎԱՆԴՈՒՅՑ

ԱՂԱՅԱՆԱԿԱՆ ՕՐԸ՝ ՄԱՅԻՍԻ 13-ԻՆ



Հայ մեծ գրող ու մանկավարժ, թումանյանական «Վերնատան» հիմնադիրներից մեկի՝ Ղազարոս Աղայանի (1840-1911թթ.) պայծառ հիշատակը ոգեկոչող արարողությունը գրողի ծննդավայրում՝ Բոլնիսիի շրջանի Բոլնիս-Խաչեն գյուղում, տոնվում է 2000 թվականից: Եվ ավանդաբար տոնահանդեսն իր շուրջն է համախմբում Վրաստանի եւ Հայաստանի մտավորականության տարբեր ներկայացուցիչների՝ դպրոցականների, ուսանողների, Աղայանի գրական ստեղծագործությունների սիրահարների:

Այս տարի համադիտույթը տեղի կունենա մայիսի 13-ին, ժամը 12:00-ին:

ՄԵԾՆ ԴԱՍԱԿԱՆ ԴԱԶԱՐՈՍ ԱՂԱՅԱՆԸ

Հայ անվանի գրող, մանկագիր ու մանկավարժ, հրապարակախոս եւ հասարակական գործիչ Ղազարոս Աղայանը ծնվել է 1840 թվականի ապրիլի 4-ին, Վրաստանի Բոլնիսիի շրջանի Բոլնիս-Խաչեն գյուղում: Ազգանունը կրթությունը ստացել է ծննդավայրում, ապա՝ Թբիլիսիի Ներսիսյան դպրոցում, այնուհետեւ՝ զբաղվել ինքնակրթությամբ: Դասավանդել է Ախալցխայի, Ալեքսանդրապոլի (այժմ Գյումրի), Երեւանի, Շուշիի դպրոցներում, եղել է Վրաստանի եւ Ինքնիքի հայկական դպրոցների թեմական տեսուչը: Աշխատել է որպես գրաշար Թբիլիսիում, Մոսկվայում եւ Սանկտ Պետերբուրգում: Եղել է Էջմիածնի տպարանի կառավարիչ, խմբագրել է «Արարատ», «Աղբյուր» ամսագրերը, աշխատել է «Փորձ» հանդեսում՝ որպես քարտուղար: Աղայանը հոգևոր համայնքի ղեկավարած «Վերնատան» հիմնադիրներից մեկն է:

Ղազարոս Աղայանը բազմաժանր գրող է: Հեղինակ է չափածո գործերի (բանաստեղծություն, պոեմ), վեպերի, հեքիաթների... Ունենալով բազմամյա ուսուցչական փորձ՝ հեղինակել է մի շարք մանկավարժական-մեթոդական աշխատություններ, ստեղծել է «Արեւիկ» այբբենարանը, տարրական դպրոցի չորս տարիների՝ «Ուսումն մայրենի լեզվի» դասագրքերը, «Ուսումն մայրենի լեզվի, պատկերավոր, այբբենարան եւ առաջին ընթերցարան» գիրքը:

Մահացել է 1911 թվականի հունիսի 20-ին, թաղված է Թբիլիսիի հայ գրողների եւ հասարակական գործիչների խոջիվանքի պանթեոնում:

Աղայանի ծննդավայր Բոլնիս-Խաչեն գյուղում գործում է գրողի տուն-թանգարանը, ուր 2000 թվականից ավանդաբար նշվում է «Աղայանական օր» տոնահանդեսը:

Ստորեւ ներկայացնում ենք Աղայանի մանկական պատմվածքներից:

ԵՐԿՈՒ ԱՅԾԵՐ

Երկու կանակոր այժ դեմ առ դեմ եկան մի նեղ գերանի վրա, որ կամուրջ էր ձգված մի գետակի վրա:

Երկուսը միանգամից չէին կարող անցնել այդ նեղ կամրջով. պետք է նրանցից մեկը ետ կանգներ եւ մյուսին ճանապարհ տար:

- Դու ե՛տ գնա, որ ես անց կենամ,- ասաց մեկը:

- Ինչո՞ւ՝ դու ետ չես քաշվում, քան թե ինձ ես առաջարկում,- պատասխանեց մյուսը:

- Քեզ ասում եմ՝ ե՛տ քաշվիր, առաջ ես եմ բարձրացել կամրջի վրա:

- Ներողություն կանես: Գիտե՞ս ում հետ ես խոսում, որ դեռ բարկանում էլ ես:

Այժերը ճակատ-ճակատի զարկեցին, իրար գլուխ պատռեցին, եւ վերջը երկուսն էլ կամրջից սայթաքեցին, ջուրը թափվեցին:

ԸՆԿԵՐԱՍԵՐ ԵՂՋԵՐՈՒՆԵՐԸ

Սի սարի վրա արածում էին երկու եղջերուներ: Նրանցից մեկը մի քանի խոտ պոկեց մեկելից տվավ՝ ասելով. - Ընդունիր եղբայր, այս խոտը, թեեւ սա ոչ մեկիս պակաս չէ: - Շատ եւ շատ շնորհակալ եմ,- պատասխանեց մեկելը. - ինչո՞ւ՝ չչափեմք մեկ-երկու սիրտ, թեկուզ սարի խոտով:

ԵՐԿՈՒ ԶԱԳԻԿ

Երկու փոքրիկ ձագիկ մի ծղնոտ գտան՝ հասկը վրան: Հասկում շատ հատիկներ կային: Ձագիկները բռնեցին ծղնոտի ծայրից եւ սկսեցին քաշել մեկը իր կողմը, մյուսը՝ իր: Ծղնոտը կտրվեց, եւ ձագուկները վայր թափվեցին՝ ոտնիվեր: Գող ծիտը վրա հասավ եւ հասկը ճանկեց ու թռավ:

Պատրաստեց ԿԱՐԻՆԵ ՄԱՆՈՒԿՅԱՆԸ

ՄՏԵՂԾԱԳՈՐԾՈՒՄ ԵՆ ԴՊՐՈՑԱՎԱՆՆԵՐԸ

ՄՏԵԻՍ ԹՈՒՉՔԸ

*Բառերն անգոր են,
Մտքերս գոր են,
Զէ՞ որ բառերս մտքերիս զոհն են...
Պետք է հավատալ,
Պետք է միշտ սիրել,
Պետք է կուրորեն վստահել, ներել...
Եկեք չճշանք, եկեք լուռ խոսե՛նք,
Եկեք հավատանք, վստահենք, սիրենք,
Եկեք գեթ մի պահ ետ նայենք կյանքին՝
...Ու կզգանք՝ բարին հաղթում է չարին:
Լավ... էլ չեն խոսի, չեն արտահայտվի.
Գալիք բարիքը չեն բարձրաձայնի,
Մարդիկ, միշտ հիշեք, ինչ էլ որ լինի,
Բարին այս կյանքում մնում է բարի...*

ՍՅՈՒԶԱՆՆԱ ԱՎԵՏԻՍՅԱՆ
Մառնեուլիի շրջանի Շահունյան ավանի թիվ 1 հանրային դպրոց, 11-րդ դասարանի աշակերտուհի

ՀԱՐՑ - ՊԱՏՃԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ԱՌՈՂՋԱՊԱՀՈՒԹՅՈՒՆ



ԻՆՉՈ՞Ւ ԵՆ ՁԵՌՔԵՐԸ ՍԱՌԸ

Հաճախ, անգամ շոգ օրերին, զգում եմ, որ չեռքիս մատները սառն են: Կոնկրետ որեւէ հիվանդությամբ չեմ փառապում, թեպետ շատ կցանկանայի իմանալ, թե ինչն է վայսմանավորված չեռքի մատների սառնությունը:

Ե. Գեւորգյան

ԹՔԻԽԻՍ

Իրոք, կան մարդիկ, որոնց մատների ծայրերը սառչում են նույնիսկ տաք եղանակին: Ահա այդ երեւույթի մի շարք պատճառներ:

Ֆիզիոլոգիական պատճառներ: Եթե մատների ծայրերը մշտապես սառն են, պատճառը կարող են ֆիզիոլոգիական առանձնահատկությունները լինել: Արյան շրջանառության խանգարումը ծեռքի մատների սառնության առավել տարածված պատճառներից է: Կան մարդիկ, որոնց վերջույթներում ի ծնե արյունը դանադաղ է շրջանառվում: Միաժամանակ, արյան վատ շրջանառությունը կարող է կապված լինել նաև որոշ հիվանդությունների՝ խլիսթերիցի բարձր մակարդակի, սրտի հիվանդությունների եւ այլնի հետ:

վանդությունների՝ խլիսթերիցի բարձր մակարդակի, սրտի հիվանդությունների եւ այլնի հետ:

Ցածր ճնշում: Ձեռքերը տաք պահեք, իսկ ծնունդ պարտադիր ձեռնոց կրեք:

Սթրեսներ: Սթրեսի ժամանակ արյան մեջ հայտնվում է մեծ քանակությամբ ադրենալին, ինչի հետեւանքով ծեռքի մատները սառչում են: Որպես կանոն, սթրեսից հետո ծեռքերը տաքանում են:

Ծխել: Նիկոտինն անոթները նեղացնող հատկություն ունի. դրան առաջինը արձագանքում են վերջույթների փոքր անոթները:

ԱՌՕՐԵԱՎԱՆ

ԻՆՉՊԻՍԻ՞ ԿԱՆԱՆՑ ՀԱՄԱՐ ԵՆ ՏՂԱՄԱՐԴԻԿ ՇԱՏ ԳՈՒՄԱՐ ԾԱԽՍՈՒՄ

Հեղաքրքիր է գոյություն ունի՞, արդյոք, կանանց հետ հարաբերություններուններում տղամարդկանց ժուժկալության կամ առափաչեռնության խնդիրը, եւ դա որքանն է առնչվում կանանց հագնելու ոճին:



Ա.Վ.

Մառնուլի

Ռոչեսթերի համալսարանի գիտնականների հետազոտությունները ցույց են տվել, որ տղամարդու աչքում կարմիր գգեստ հագնող կինն ասոցացվում է սեքսին առնչվող բնագծերի հետ: Ելելով դրանից, այն կանանց, որոնք սիրում են կարմիր գույնի հագուստ հագնել, ավելի հաճախ են ժամադրությունների հրավիրում եւ մեծ գումարներ ծախսում նրանց վրա:

Չեթազոտության ընթացքում գիտնականները հարցում են անցկացրել ավելի քան 100 երիտասարդի շրջանում, որոնք մեծ մասը դեռեւս չի ավարտել համալսարանը: Տղամարդանց գրավիչ աղջիկների լուսանկարներ են ցույց տվել ու հարցրել, թե նրանցից որո՞նք են առավել գայթակղիչ թվում, եւ որո՞նց հետ նրանք ֆիզիկական շփում կցանկանային ունենալ: Լուսանկարները շրջանակված են եղել կարմիր, սպիտակ, մոխրագույն եւ կանաչ գույներով: Միեւնույն աղջիկների մասին տղամարդիկ տարբեր կարծիք են հայտնել՝ կախված նկարի գույնից: Կարմիրը «տղամարդուն ստիպել է» տվյալ աղջկա համար երկու անգամ շատ ավելի գումար ծախսել, քան մյուսների:

սանկարները շրջանակված են եղել կարմիր, սպիտակ, մոխրագույն եւ կանաչ գույներով:

Միեւնույն աղջիկների մասին տղամարդիկ տարբեր կարծիք են հայտնել՝ կախված նկարի գույնից: Կարմիրը «տղամարդուն ստիպել է» տվյալ աղջկա համար երկու անգամ շատ ավելի գումար ծախսել, քան մյուսների:

Չնայած տղամարդիկ չեն գիտակցել հենց այդ գույնի ազդեցությունը, բայց նրանցից շատերը խոստովանել են, որ գույնն ինչ-որ կերպ ազդել է նրանց ընտրության վրա:

Չեթազոտության հեղինակ պրոֆեսոր Էնդրյու Էլիոթի խոսքով, փորձի արդյունքները հերթական անգամ ապացուցել են, որ հասարակությունը կարմիր գույնը, իզուր չէ որ, համարում է սիրո գույն:

ԳԻՏԵ՞Ք, ԱՐԳՅՈՒՔ...

ԻՆՉՈ՞Վ ԵՆ ՏԱՐԲԵՐՎՈՒՄ ՀԱՅ ՏՂԱՄԱՐԴԻԿ ՀԱՅ ԿԱՆԱՆՑԻՑ



Եթե հանկարծ հայ կինը տանը չի գիշերում, ասելով, թե ընկերուհու տանն էր, եւ ամուսինը զանգում է կնոջ ամենամոտ 10 ընկերուհիներին, 10-ն էլ ասում են, որ ոչ մեկի տանը կինը չի գիշերել:

Իսկ եթե ամուսինը տանը չի քնում, ասելով, որ ընկերոջ տանն էր, եւ կինը զանգում է ամուսնու 10 ամենամոտ ընկերուհիներին, 10-ից 9-ը ասում են, որ իրենց տանն է գիշերել, իսկ մեկն ասում է, թե մինչեւ հիմա էլ իրենց տանն է. նստած նարդի են խաղում...

ՄԱՄՆԱԳԻՏԱԿԱՆ ԽՈՐՀՈՒՐԴ ՎԱՐԱՆԱԶԵՎ ԳԵՂՁԸ՝ ԳԱՐՆԱՆԱՅԻՆ ՀԻՎԱՆԴՈՒԹՅՈՒՆՆԵՐԻ ՊԱՏՃԱՊ...

Շատերը վահանագեղձի խնդիրները կապում են զարմանալից հիվանդությունների սրացման հետ, սակայն այս երկուսի միջեւ այնքան էլ ուղիղ կապ չկա, քանի որ հիվանդության հիմնական պատճառը յորդի չարաշահումն է կամ անբավարարությունը: Այնպես որ, եթե դուք պահպանում եք վահանագեղձի հիվանդությունների կանխարգելման հիմնական սկզբունքները, ապա զարմանն առաջացած նյութափոխանակության խանգարումը ոչ մի կապ չունի դրա հետ:

Վիտամիններ

Վահանագեղձի հիվանդություններն արտահայտվում են ախտանշանների ամբողջական համալիրով: Վիտամինները ներառում են՝ թուլություն, գերհոգնածություն, հիշողության կորուստ, պոտենցիայի անկում, դաշտանային ցիկլի խանգարումներ, չոր մաշկ, փխրուն մազեր ու եղունգներ, այտուցված դեմք, սրտի աշխատանքի խանգարումներ, բարձր խոլեստերին, անառողջ քուն, ճնշման տատանումներ, քաշի ավելացում, դեպրեսիա:



Խնդրի սրացմանը կարող են հանգեցնել թունավոր նյութերի ազդեցությունը (լուծիչներ, ներկեր, բենզին եւ այլն), որոնք մեծ

րության մատնել չի կարելի, հակառակ դեպքում կարող են առաջանալ ուռուցքային գոյացություններ, որոնք կարող են դառնալ նաև չարորակ:

Վահանագեղձի բուժումը պետք է նշանակի՝ բժիշկը ախտորոշումից ու մի շարք անալիզներից հետո: Հատուկ ուշադրություն պետք է դարձնել կանխարգելման վրա: Խորհուրդ է տրվում օգտագործել յոդացված աղ, ինչպես նաև սննդակարգի մեջ ընդգրկել ծովափնյա, ձուկ, լոբի, սոյա, կաթ, գազար, շոկոլադ, հաց, հազար, խնձոր: Օրական պետք է օգտագործել 100-150 մկգ յոդ:

Կարելի է նաև իմանալ այն մեթոդները, որոնք խորացնում են հիվանդությունը, դրանք են՝ սալը, մի յուրուտ տեսակները, բողկը, շաքարը, բանանը, խաղողը, եգիպտացորենը: Վահանագեղձի հիվանդությունների զարգացման կասկածների դեպքում պետք է նաև զգուշանալ ցիտրուսներից, բուսական յուղից, ցորենից, շաղգամից, ինչպես նաև մեծ քանակությամբ B, A, C վիտամիններ պարունակող մթերքներից:

Կանխարգելման ուղիներ

Վահանագեղձի խնդիրների վաղ հայտնաբերման դեպքում դրանց դեմ կարելի է պայքարել կենսակերպի, սննդակարգի ու սովորությունների փոփոխման միջոցով:

քաղաքների օդի անբաժանելի բաղադրիչներն են: Բարդություններ կարող են առաջացնել նաև քիմիական նյութեր պարունակող մաքրող հեղուկները, ինչպես նաև՝ կապարից պատրաստված զարդերը:

Հիվանդությունն անտարբե-

ՀԵՏԱՔՐՔԻՐ Է

ՊԱՐՁԵԼ ԵՆ ԱՄԵՆԱԳԵՂԵՑԻԿ ԿՆՈՋ ՈՎ ԼԻՆԵԼԸ

Ամերիկացի դերասանուհի Ջուլյա Ռոբերտսը մոլորակի ամենագեղեցիկ կինն է ճանաչվել People ամերիկյան հանդեսի վարկածով:



«26 տարի է անցել այն ժամանակվանից, երբ Ջուլյա Ռոբերտսը առաջին անգամ հայտնվեց People-ի համարի շապիկին, որը նվիրված էր «Աշխարհի ամենագեղեցիկ կանայք» վարկանիշին, եւ նա առաջվա պես մնում է մեր սիրելի սիրունիկը», - գրում է հանդեսը իր ինտերնետ-էջում գետեղված հոդվածում:

Հրատարակությունն ակնարկում է 1990 թվականին Էլրան բարձրացած «Սիրունիկը» նշանավոր ֆիլմի անվանումը, որում գլխավոր դերը կատարել է Ռոբերտսը:

49-ամյա դերասանուհին, վերջին քառորդ դարի ընթացքում, հինգերորդ անգամ է Երկրի ամենագրավիչ կինը ճանաչվել՝ ըստ People-ի ամենամյա վարկանիշի արդյունքների: «Հինգերորդ անգամ»: Դա անչափ հաճելի է», - ասել է նա համընթաց տված հարցազրույցում հասկանալ տալով, որ ինքը նման հաշվարկներով չի զբաղվել:

Հարցին՝ հուզվո՞ւմ է արդյոք, Ռոբերտսը պատասխանել է. «Հիմա կսկսեմ հուզվել: Այնպես որ, կանգ առնեմ այն բանի վրա, որ դա պարզապես հաճելի է»:

2016 թվականին People հանդեսը մոլորակի ամենագեղեցիկ կինն էր ճանաչել ամերիկացի մեկ այլ դերասանուհու՝ Ջենիֆեր Էնիսթոնին:

ԹԵՎԱՎՈՐ ԱՏՔԵՐ

Ամբողջ մարմնի կենդանությունը հոգին է, իսկ մարմինն ու հոգին կառավարողը միտքն է:

ԵՂԻՇԵ Վ ՂԱՐ Հայ պատմիչ

Թե գիտունի խոսքը լքես՝ քեզ ի՞նչ օգուտ գիտությունից.

Թե չծախսես ասա՛ կտա՞ գեթ չնչին շահ պահուստը ինձ:

ՇՈՅԱ ՌՈՒՄՅԱՎԵԼԻ (1172-1216)

Վրաց բանաստեղծ Ամենալավ պետությունը այն

է, որ մարդկանց դարձնում է առավելապես երջանիկ, այլ այն, որ երջանիկ է դարձնում առավելագույն թվով մարդկանց:

ԺԱԿ ԴՅՈՒԿԼՈ (1896-1975)

Ֆրանսիական քաղաքական գործիչ

Ժողովրդին չի կարող բաժին ընկնել ավելի մեծ աղետ, քան՝ չարագործության գնով բերված բարգավաճումը:

ՉԵՆԻՆԳ (1780-1842)

Ամերիկացի երկրաբան

Մահը դեպի քեզ արձակված նետ է, իսկ կյանքը՝ այն ակնթարթը, որի ընթացքում նետը հասնելու է քեզ:

ԱՐԵՎԵԼՅԱՆ ԻՄԱՍՏՈՒԹՅՈՒՆ

Շուկայական հարաբերությունների պարագայում՝ մարդն առ ու ծախի իր է:

ՌԱՖԱՅԵԼ ՏԵՐ-ՍՈՐՅԱՆ «Վրաստանի» ընթերցող



© Ներեցե՛ք, դուք պարո՞ւմ եք:

- Հա, չես տեսնո՞ւմ... - Ի՞նչ էլավ է, ես էլ մտածեցի հոսանքն է խփել:

© Քննության ժամանակ.

- Ինչպե՞ս ես հա-

մարձակվել այսպես քննության ներկայանալ:

Սխալ, ընդհանրապես չես պարապել:

- Ներեցե՛ք, պրոֆեսոր, ես գիտեի քննությունը վաղն է:

© Բազկաթոռին թողնելով նստած այցելուին՝ ատամնաբույժը դուրս է գալիս սենյակից ու՝ սկսում անհամոզաբար դեսուդեն գնալ, բորել գլուխը: Ծխա-

խոտ է կայցնում եւ՝ անմիջապես դեն նետում:

Բուժքույրը հարցնում է. - Ի՞նչ է պատահել: Ծա՞նր դեպ է:

- Ծանրագույն. այցելուն անթիվ-անհամար փող ունի ու չունի մի անառողջ ատամ:

ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ



ՀԱՏԱԿԵՅՎԵՑ ԵՐԵՎԱՆԻ ԽՈՐՀՐԴԱՐԱՆԻ ԿԱԶՄԸ

ՆԵՐԿԱ ԴՌՈՒԹՅԱՄԲ ՆՈՐ ԽՈՐՀՐԴԱՐԱՆՈՒՄ ԾՆՈՒՄՈՎ ԱՍՏՅԻՆ-ՋԱՎԱԽԵԹԻՑ ՄԻԱՅՆ ԵՐԿՈՒ ՊԱՏՊԱՆՎՈՐ Է

Հայաստանի Կենտրոնական ընտրական հանձնաժողովը արձանագրություն է կազմել եւ՝ հրապարակել այն պատգամավորների անունները, ովքեր, ապրիլի 2-ին կայացած խորհրդարանական ընտրությունների արդյունքում, նորընտիր, վեցերորդ գումարման խորհրդարանի մանդատ կատարում:

Նշենք, որ 2017-ի Հայաստանի Ազգային ժողովի ընտրություններին մասնակցել էին 5 կուսակցություն եւ 4 դաշինք: Քվեարկության արդյունքում, Ազգային ժողով են անցել՝ ՀՀԿ, «Ծառուկյան» դաշինք, «Ելք» դաշինք, ՀՅԴ:

2015թ. սահմանադրական փոփոխությունների հանրաքվեից հետո՝ փոփոխություններ կատարվեցին մի շարք օրենքներում, այդ թվում՝ Ընտրական օրենսգրքում: Այդ փոփոխությունների արդյունքում, նորընտիր Ազգային ժողովն ունենալու է 105 պատգամավոր՝ ներկայիս 131-ի փոխարեն: Նոր կազմով խորհրդարանն իր առաջին նիստը կգումարի մայիսի 18-ին:

Հանրապետական կուսակցությունը խորհրդարանում կազմում է մեծամասնություն: Վերջինիս բաժին է հասել 58 մանդատ, որից 27-ը՝ տարած-

քաղաքում, իսկ 5-ը՝ հանրապետական ցուցակի առաջին մասով:

ՀՀԿ-ն այս նոր գումարման Ազգային ժողովում կունենա 7 պատգամավոր, որից 3-ը՝ տարածքային ցուցակներով ընտրված, 4-ը՝ համապետական ցուցակի առաջին մասից:

Նշենք, որ նորանկախ Հայաստանի արդեն թվով վեցերորդ գումարման Ազգային ժողովում առաջին անգամ ծնունդով Սամսյե-Ջավախեթիից կլինի ընդամենը երկու պատգամավոր՝ Արման Սահակյանն ու Շիրակ թորոսյանը: Եթե ընտրված պատգամավորներից ոմանք նշանակվեն գործադիր իշխանությունում, ապա ՀՀԿ-ի համամասնական ցուցակով, առաջինը խորհրդարանում ընտրվելու հնարավորություն կունենա Տաճատ Վարդապետյանը ցուցակում թիվ 32, ապա եւ՝ Դովհաննես Սոֆոյանը (թիվ 35):

ԹՈՒՐԵՐԱՅԻ ՆԵՐԳՐՈՂՆԵՐԸ ԵՐԵՎԱՆՈՒՄ

Հանրային լրագրության ակումբը (ՀԱ), Թուրքիայի տնտեսական քաղաքականության հետազոտությունների հիմնադրամը (ՏԵՊԱԿ), Միլիկոյան հովիտում գործող աշխարհի առաջին ներդրումային արքեպիսկոպոսի «Էնջել լաբս»-ի հետ համագործակցությամբ, Երեւանում առաջին անգամ անկապուցելի Հայաստան-Թուրքիա ներդրողների հանդիպում:

Միջոցառման նպատակն էր՝ խթանել Հայաստանում եւ Թուրքիայում հրեշտակները հրեշտակների ցանց ստեղծելու գաղափարը եւ ներկայացնել ներդրողների ցանցերի փոքրեր շեռաչափերն ու միջազգային լավագույն փորձը: Միջոցառման բացման արարողությանը ողջունի խոսքով հանդես եկան նախաձեռնության հեղինակներ ՀԱ նախագահ Սեդա Սուրադյանը, ՏԵՊԱԿ-ի ներկայացուցիչ Ջանսու Սարաջը եւ «Էնջել լաբս»-ի տնօրեն Թուրք Էրգյուլը, ինչպես նաեւ Հայաստանում Ֆրանսիայի արտակարգ եւ լիազոր դեսպան ժան-Ֆրանսուա Շարպանտիեն եւ ԱՄՆ դեսպանատան տնտեսական եւ առեւտրական ներկայացուցիչ Ռաֆայել Սամբուն:

ՆՈՐԱՄԵՆ ՇԵՉՅԱԿԻ ԸՆՏԱԽԵՐԻՆ՝ 7,5 ՄԻԼԻՈՆ ՉՐԱՄ

Մայիսի 3-ին՝ ժամը 04:00-ին Երեւանի «Էրեբունի» բժշկական կենտրոնում ծնվել է հնգյակ՝ 1 տղա, 4 աղջիկ: Ծնողները՝ Վարդան Կարապետյանն ու նրա կինը՝ Լուսինե Պողոսյանը, երեխաներին անվանել են Արա, Աննա, Լիլիթ, Ռոզի, Թեմիսին: Մեծամորյի նորածիններից յուրաքանչյուրի համար, ծննդյան կապակցությամբ, կտրամադրվի 1.5 մլն դրամ: Այս մասին հայտնեց Հայաստանի աշխատանքի եւ սոցիալական հարցերի նախարարության մամուլի քարտուղար Անուշ Դանիելյանը: «Ընտանիքը կստանա 7.5 մլն դրամ, որից՝ 2.5 մլն դրամն ուղղակիորեն կտրամադրվի ծնողներին, իսկ մնացած 5 մլնը կփոխանցվի յուրաքանչյուր երեխայի անվամբ բացված ընտանեկան դրամազխի հաշվին, յուրաքանչյուրին՝ 1 մլն դրամ»,- հայտնել է նա:



ԲԱՐԵՓՈՒՄՆԵՐ՝ ԿՈՌՈՒՊՑԻԱՅԻ ԴԵՄ ՊԱՅՔԱՐԻ ՈԼՈՐՏՈՒՄ

Մայիսի 4-ին, Հայաստանի նախագահ Սերժ Սարգսյանը անցկացրել է խորհրդակցություն, որի ընթացքում քննարկվել են Հայաստանի նախագահի անցյալ տարվա դեկտեմբերի կարգադրությամբ ստեղծված՝ Կոռուպցիայի դեմ պայքարի ոլորտում ինստիտուցիոնալ համակարգի բարեփոխումների ապահովման աշխատանքային խմբի գործունեության ընթացքը եւ միջանկյալ արդյունքները, այդ թվում՝ կոռուպցիայի դեմ պայքարին առնչվող օրենքների նախագծերի նախապատրաստման վիճակը:

Խորհրդակցությանը ընդգծվեց կոռուպցիայի արդյունավետ կանխարգելմանը վերաբերող այնպիսի հիմնարար խնդիրների ամբողջական լուծման կարելությունը, ինչպիսիք են պաշտոնատար անձանց գույքի եւ եկամուտների հայտարարագրերի վերլուծությունն ու դրանց արժանահավատության ստուգումը, այդ նպատակով հավելյալ տեղեկատվության հասանելիության ապահովումը, ապօրինի հարստացման դեպ-

քանից Կոռուպցիայի դեմ պայքարի ոլորտում ինստիտուցիոնալ համակարգի բարեփոխումների ապահովման աշխատանքային խմբի գործունեության ընթացքը եւ միջանկյալ արդյունքները, այդ թվում՝ կոռուպցիայի դեմ պայքարին առնչվող օրենքների նախագծերի նախապատրաստման վիճակը:

ՄԻՋԱԶԳԱՅԻՆ ԿՈՆԳՐԵՍ՝ ԵՐԵՎԱՆՈՒՄ

Ապրիլի 29-ին, Հայաստանի նախագահ Սերժ Սարգսյանը հանդիպում ունեցավ Քաղցկեղի վերահսկման միջազգային միության նախագահ, Նորին Արքայական Մեծություն Գորդանանի արքայադուստր Դինա Միրեդին, ով Հայաստան է ժամանել Երեւանի պետական բժշկական համալսարանի հրավերով՝ մասնակցելու ԵՊԲԳ-ի եւ Արյունաբանության եւ ուռուցքաբանության հայկական ասոցիացիայի կողմից կազմակերպված՝ «Քաղցկեղը վերապրածների կոնգրեսին»:



Հայաստանի նախագահը դրվատանքի արժանի է համարել Նորին Արքայական Մեծության մասնակցությունը Հայաստանում կազմակերպված առողջապահության բնագավառի կարելու ու արդիական բոլոր միջոցառմանը: Նորին Արքայական Մեծություն Գորդանանի արքայադուստր Դինա Միրեդինը շնորհակալություն է հայտնել նախագահին ընդունելության համար եւ նշել, որ անչափ ուրախ է գտնվել հի-

աքանչ Հայաստանում, որի մասին շատ է լսել իր երկրում, որտեղ հայկական մեծ եւ՝ հասարակության կողմից հարգանք ու վստահություն վայելող համայնք կա: Որպես Քաղցկեղի վերահսկման միջազգային միության նորընտիր նախագահ՝ Դինա Միրեդինը ներկայացրել է Հայաստան իր այցի հիմնական նպատակը, խոսել իր գլխավորած կազմակերպության գործունեության ու ծրագրերի մասին եւ՝ Հայաստանի նախագա-

ՇԱՐՈՒՆԱԿՎՈՒՄ ԵՆ «ՎԱՆԱՉՈՐ-ԱՆՎԵՐԴԻ-ՎՐԱՍՏԱՆԻ ՍԱՀՄԱՆ» ՃԱՆԱԴԱՐԻ ՀԻՄՆԱՆՈՐՈՎՄԱՆ ԱՇԽԱՏԱՆՔՆԵՐԸ



Հայաստանի տրանսպորտի, կապի եւ տեղեկատվական տեխնոլոգիաների նախարար Վահան Մարտիրոսյանը այցելել է Լոռու մարզ, որտեղ անցած տարվանից ընթանում է ՍԾ՝ «Վանաձոր-Անվերդի-Վրաստանի սահման», միջպետական ավտոճանապարհի վերականգնման ու բարելավման ծրագիրը:

Նախագծի առաջին մասը ֆինանսավորում է Եվրոպական ներդրումային բանկը, շինարարական աշխատանքներն ընդգրկում են միջպետական ավտոճանապարհի 38 կմ հատվածը: Ներկայումս ընթանում են առկա ենթակառուցվածքների տեղափոխման, հողային ծածկի քանդման, արհեստական կառուցվածքների տեղադրման ու հենապատերի կառուցման աշխատանքներ: Ընկերության տնօրենը հավաստիացրեց, որ շինարարությունն ընթանում է

ըստ նախագծի սահմանված ժամանակացույցի, եւ մինչեւ ամառն սկիզբը կավարտվեն ենթակառուցվածքների վերամոնտաժման աշխատանքները: Հիմնանորոգվող միջպետական ճանապարհին գտնվող 2 թունելները վերանորոգվում են, իսկ երրորդն ամբողջությամբ վերակառուցվում է: Անցած տարվա նոյեմբերի այցից հետո, թունելում շինարարությունը չի դադարել, կատարվել են բետոնապատման աշխատանքներ: Ճանապարհի 12 կամուրջներ-

ից 3-ը հիմնովին քանդվելու եւ նորից կառուցվելու են, մյուս ինը կվերանորոգվեն: Աշխատանքներն իրականացնում է «Կապավոր» ընկերությունը: Եվրոպական ներդրումային բանկի կողմից նշանակված շինարարական աշխատանքները վերահսկող ներկայացուցիչները, ճանապարհի հիմնանորոգման աշխատանքների ողջ ընթացքում, հետեւում են ծրագրի համապատասխանությանն ու անվտանգությանն ուղղորդող պահպանմանը:

ՀԱՅԱՍՏԱՆՈՒՄ ԿՈՒՍՏԱՆՈՒՄ ԵՎ 50641 ԿԻՆ ՎԱՐՈՐԳ, ՆԵՐԱՅԵՑ ՄԱՍՆԱԿՈՒԹՅԱՄԸ ՎՋԱՐՆԵՐԻ ԱՎԵՐ ԶԻՅ ԵՆ

Հայաստանում հաշվառված է վարորդական վկայականներ ստացած իգական սեռի 50641 ներկայացուցիչ: Ճանապարհային ոստիկանության պլանավորման, հաշվառման եւ վերլուծության բաժնի տվյալների համաձայն, 2016թ. Հայաստանի վարորդական վկայականներ են հատկապես իգական սեռի 9768 ներկայացուցիչ: 2016թ. Հայաստանում պետական վիճակագրական հաշվառման է վերցվել վիրավորներով եւ զոհերով 3203 ճանապարհատրանսպորտային պատահար, որից ընդամենը 44 պատահարի մասնակից է եղել կին վարորդ, 2-ի դեպքում վարորդները մահացել են:

ՏԱՐԱԳՐԱՄԻ ՓՈՒՆՏԱՆԱԿՄԱՆ ԿՈՒՐՍԸ (5 մայիս)

Հայաստանի Ազգային բանկի կողմից սահմանվել է փարադրամի փոխանակման հետեւյալ կուրսը.

ՏԱՐԱԳՐԱՄ	ԱՈՔ	ՎԱՃԱՈՔ
ԱՄՆ ԴՈԼԱՐ	483,70	486,50
ԵՎՐՈ	529,00	536,00
ՌՈՒՔԼԻ	8,15	8,38

Ապրիլի 27-ի համեմատությամբ, ԱՄՆ դոլարի կուրսը մնացել է անփոփոխ:

ԵԿԵՂԵՑԱԿԱՆ

ՄԱՅԻՍ

8.05.2017. Երկրորդ Ծաղկազարդ Քրիստոսի Համբարձման տոնին հաջորդող կիրակի օրը Հայ Առաքելական Եկեղեցին նշում է Երկրորդ Ծաղկազարդը: Տոնի անվանումն առաջացել է Ձատիկի՝ Սուրբ Հարությանը նախորդող Ծաղկազարդի տոնի անվանումից: Վերջինս խորհրդանշում է Քրիստոսի հաղթական մուտքը Երուսաղեմ, երբ մարդիկ Տիրոջը դիմավորում էին փառաբանությամբ ու ցնծությամբ եւ՝ ծառերի ճյուղեր սփռում Երա առաջ:



Երկրորդ Ծաղկազարդն արդեն համբարձյալ Քրիստոսի Վերին Երուսաղեմ մտնելու հիշատակն է, երբ Երան ցնծությամբ դիմավորում էին հրեշտակները:

Երկրորդ Ծաղկազարդն արդեն համբարձյալ Քրիստոսի Վերին Երուսաղեմ մտնելու հիշատակն է, երբ Երան ցնծությամբ դիմավորում էին հրեշտակները:

ՆՈՐՈՒՅՑ

ՄԻՆԵՐԱՄԱՐՏԻ ԵՎՐՈՊԱՅԻ ԵՐԻՏԱՍԱՐԴԱԿԱՆ ԱՌԱՋՆՈՒԹՅԱՆ ՈՍԿԵ ՄԵՂԱՆԵՐԸ

Երկրի կառավարության եւ խորհրդարանի միջեւ ներքին խորհրդատվությունների արդյունքում, հասարակական վայրերում ծխելու արգելքը հետաձգվել է մեկ տարով, եւ այն ուժի մեջ կմտնի 2018 թվականի մայիսի 1-ից: Այդ մասին հայտարարեց օրինադատական մարման նախագահ Մարտինոս Գուգուկի Մաղրաձեն:



«Գրեթե մեկամսյա խորհրդատվություններից հետո՝ կառավարության հետ փոխհամաձայնության հասանք ժամկետների հարցում: Տրվում է մեկ տարի եւ՝ հասարակական վայրերում ծխելու արգելքը մասին օրենքը ուժի մեջ կմտնի 2018 թվականի մայիսի 1-ից»,- հայտարարեց պատգամավորը:

ԴՊՐՈՑ

ՀՈՎԶԱՆՆԵՍ ԹՈՒՄԱՆՅԱՆԻ «ԳԻՔՈՐԸ» ԲԵՄԱԴՐՎԵՑ ՎՐԱՅԵՐԵՆ

Հայ արձակի գլուխգործոցներից է Հովհաննես Թումանյանի «Գիքորը» մանկական պատմվածքը: Քաղաքի բարքերին զոհ դարձած գյուղացի պատանու ողբերգական պատմությունը իր հուզական ազդեցությամբ եզակի ստեղծագործություն է: Գիքորի ճակատագիրը ցնցել է եւ ցնցում է սերունդների: Ասենք նաեւ, որ «Գիքորը» Հայաստանում էկրանավորվել է 2 անգամ՝ 1934 եւ 1982 թվականներին, իսկ հայ թատրոնում՝ բեմադրվել բազմիցս:



Իսկ մի լամի օր առաջ, «Գիքորը» պատմվածքի բեմականացմամբ, հանդես եկան... մայրաքաղաքի թիվ 103 դպրոցի հայկական մասնաճյուղի աշակերտները:

Վրաց լեզվի ուսուցչուհի Դալի Փեիքբիշվիլին պատմվածքը թարգմանել էր վրացերեն ու՝ բեմադրել: Դերերում ընդգրկված էին VI եւ VIII դասարանների աշակերտներ, իսկ Գիքորի դերակատարը չորրորդ դասարանցի Արթուր Բաղդասարյանն էր, ով իր խաղով կարողացավ հուզել հանդիսատեսին: Մասնակիցներից յուրաքանչյուրը լավ էր պատկերացնում իր դերը եւ կարողացավ առանց շփոթվելու, գեղեցիկ կերպով ներկայացնել կերպարը:

Նման միջոցառումների կարեւորության մասին խոսեցին դպրոցի տնօրեն Արչիլ Զխաիձեն, ուսմասվար Հասմիկ Պապիկյանը, տղերիս հեղինակը, «Հայրատուն» կենտրոնի կրթության բաժնի ղեկավար Եվգենյա Մարկոսյանը:

ՎԱՐԻՆԵ ՄԱՆՈՒԿՅԱՆ

Վրաստանի կրթության եւ գիտության նախարարության փորձագետ

ՇՐՋԱՆԱՎԱՐՏ - 2017

ՀՐԱՊԱՐԱԿՎԵԼ Ե ԵՐԳԱՆԱՎԱՐՏՆԵՐԻ ԲԵՆՈՒԹՅՈՒՆՆԵՐԻ ԺԱՄԱՆԱԿԱՅԻՆՅՈՒՅՆԸ

Ինչպես տեղեկացրել է ազգային քննական կենտրոնը, հաստատվել է 12-րդ դասարանի աշակերտների ավարտական քննությունների ժամանակացույցը: Այսպես, մայիսի 21-ին կանցկացվեն վրաց լեզվի եւ գրականության, վրացերենը որպես երկրորդ լեզու եւ աշխարհագրության քննությունները: Մայիսի 22-ին՝ օտար լեզուների ու կենսաբանության առարկայական քննությունները: Մայիսի 23-ին՝ պատմության ու ֆիզիկայի, մայիսի 24-ին՝ մաթեմատիկայի ու ֆիզիկայի եւ մայիսի 25-ին՝ քիմիայի առարկայական քննությունները:



ՄՊՐՈՑ

ՎՐԱՅ ԳՅՈՒՊՈՅԻՍՏՆԵՐԸ՝ ԵՎՐՈՊԱՅԻ ԻՆՆԱԿԻ ԳԵՄՊԻՈՆ

Վարչապայում եզրագիծը հատեց ծյուղոյի մարզածեի Եվրոպայի թիմային առաջնությունը: Մրցաշարի եզրափակիչում Վրաստանի ծյուղոյիստները 3:2 հաշվով առավելության հասան Ռուսաստանի հավաքականի նկատմամբ եւ իններորդ անգամ նվաճեցին մայրցամաքի չեմպիոնի կոչումը: Բրոնզե մեդալակիրներ դարձան Ուկրաինայի եւ Հունգարիայի ծյուղոյիստները:

ՆՎԱՃԵՅԻՆ ՍՈՒՄԵՐԱՄԱՐՏԻ ԵՎՐՈՊԱՅԻ ԵՐԻՏԱՍԱՐԴԱԿԱՆ ԱՌԱՋՆՈՒԹՅԱՆ ՈՍԿԵ ՄԵՂԱՆԵՐԸ

Վրաց սուսերամարտիկները, Մինսկում անցկացված Եվրոպայի երիտասարդական առաջնությունում, նվաճեցին ոսկե մեդալ: Եզրափակիչում վրաց մարզիկները 45:36 հաշվով պարտության մատնեցին Իտալիայի հավաքականին եւ առաջին անգամ դարձան մայրցամաքի չեմպիոններ: Մինչ այդ, Վրաստանի թիմը 45:34 հաշվով պարտության մատնեց Բուլղարիայի հավաքականին, 45:31 հաշվով՝ Ռումինիային, իսկ կիսաեզրափակիչում՝ 45:41 հաշվով՝ Ռուսաստանի հավաքականին:

ՖՈՒՏԲՈԼ ՎՐԱՍՏԱՆԵՆ ՈՒ ՀԱՅԱՍՏԱՆԸ ՊԱՀՊԱՆԵՅԻՆ ԻՐԵՆՑ ԳԻՐՔԵՐԸ



Ֆուտբոլի միջազգային ֆեդերացիան հրապարակեց ազգային հավաքականների հերթական վարկանիշային աղյուսակը: ՖԻՖԱ-ի դասակարգման նոր աղյուսակում թե՛ Վրաստանի եւ թե՛ Հայաստանի հավաքականները պահպանել են իրենց դիրքերը: Վրաստանի թիմը զբաղեցնում է 122-րդ հորիզոնականը, իսկ Հայաստանի ազգային ընտրանին աղյուսակում 67-րդն է:

Չի փոխվել նաեւ աղյուսակի գլխամասի լավագույն տասնյակը: Աղյուսակը գլխավորում է Բրազիլիայի հավաքականը: Երկրորդ եւ երրորդ տեղերը զբաղեցնում են Արգենտինայի ու Գերմանիայի թիմերը: Առաջատարներից հետեւում են Չիլիի, Կոլումբիայի, Ֆրանսիայի, Բելգիայի, Պորտուգալիայի, Շվեյցարիայի եւ Իսպանիայի հավաքականները:

Table with 6 columns and 10 rows containing numbers 1 through 47.

Large advertisement for 'VRASTAN' featuring a grid of numbers and text in Armenian. The text includes 'ՀՈՐԻԶՈՆԱԿԱՆ' and 'ՈՒՊՈՒՅՑՆԵՐ' sections with various numbers and descriptions.

Advertisement for 'VRASTAN' with contact information: Խմբագիր՝ ՎԱՆ ԲԱՅԲՈՒՐԹՅԱՆ

Advertisement for 'VRASTAN' with contact information: Մեր հասցեն՝ Թբիլիսի 0105 Գ.Աթոնելի փ. 5 Հեռ. 2990-739, 2990-774 www.vrastan.ge E-mail: vrastan@caucasus.net

Advertisement for 'VRASTAN' with contact information: Գրանցման վկայական № 4 4 - 1439 «ԿՈԼՈՐ» հրատարակչություն

Advertisement for 'VRASTAN' with contact information: "ВРАСТАН" Тбилиси, Грузия <VRASTAN> Georgia, Tbilisi Индекс 66445